



Madalena Leto Soro, hanesan Tezoreiro EIP nomos GMF, fahe hela esperensia kona-ba Jestaun bee mos iha Suku Manapa

Sekretariadu Tékniku PNDS Organiza Autoridade Komunitáriu Husi Munisípiu 4 Partisipa Iha Programa Suku Vizita Malu Iha Munisípiu Bobonaro

Autoridade Komunitáriu husi Munisípiu Lautem, Baucau, Manatuto ho Liquiça partisipa iha programa Suku Vizita Malu iha Suku Manapa, Postu Administrativu Cailaco Munisípiu Bobonaro (02-04/05/2017). Objetivu prinsipál husi atividade ne'e mak oinsá Chefe Suku ho comunidade sira bele fahe esperensia ba malu kona-ba sustentabilidade programa dezenvolvimentu ne'ebé la'o hela iha comunidade let, liu-liu oinsá atu halo jestaun ba utilizausaun bee mos ne'ebé comunidade sira implementa tantu liu husi programa PNDS nomos husi ajénsia dezenvolvimentu sira seluk.

Iha programa suku vizita malu ne'e foka liu ba sistema operasaun no manutensaun ba bee mos, ho nia objetivu atu fo oportunidade ba suku sira ne'ebe implementa projetu Bee mos ho subsidiu PNDS atu aprende husi suku sira seluk ne'ebé iha esperensia pozitivu kona-ba jestaun operasaun no manutensaun.

Zeferino Loco Bere, hanesan Chefe Suku Manapa, Postu Administrativu Cailaco apresia tebes ho programa ida ne'e tanba bele hasoru malu ho maluk sira husi Munisípiu seluk hodi fahe esperensia ba malu.

Treinamento Kona-ba Rezolusaun Konflitu ba Fasilitador Sosial Sira Remata

Iha lora 12 fulan Maio 2017, Sekretariadu Tekniku Programa Nasional Dezenvolvimentu Suku liu husi Chefe Unidade Operasional PNDS, Entrega Sertifikadu ba Fasilitador Sosial Postu Administrativu (FSPA) ne'ebé remata ona treinamento kona-ba Rezolusaun Konflitu, ne'ebe hala'o iha salaun Centro Ngo Ba Futuru Comoro, Dili.

Iha enseramentu ne'e Chefe Unidade Operasional Programa Nasional Dezenvolvimentu Suku, enkoraja ba Fasilitador Sosial Postu Administrativu sira atu servisu maka'as hodi nune'e bele asegura implementasaun programa PNDS. Tanba fasilitador sosial nia papel importante iha programa dezenvolvimentu komunitario hanesan PNDS.

Objetivu husi treinamento ne'e atu hasa'e koñesimentu no abilidade Fasilitador Sosial Postu Administrativu (FSPA) sira nian iha area rezolusaun konflitu hodi bele apoiu Ekpa Jestaun Suku (EJS) ho diak bainhira mosu konflitu ka problema iha implementasaun programa PNDS.

Treinamenton ida ne'e hetan apresiasaun husi partisipante sira, tanba bele dezenvolve tan kapasidade sira nian liu-liu iha area Sosial kona-ba Rezolusaun Konflitu, atu nune'e sira bele fasilita comunidade sira hodi asegura implementasaun Programa PNDS iha suku hotu.

"Treinamento ne'e importante tebes tanba bele aumenta tan ami nia koñesimentu no bele ajuda ami, liu iha area sosial oinsá formula kona-ba rezolusaun konflitu wainhira hetan prolema iha treinu", Alcino Freitas Lopes da Cruz, Fasilitador Sosial Posto Administrativu Maubara, Munisípiu Liquisa.

PNDS

Hamutuk Ita
Dezenvolve Nasaun

Juni 2017

Progresu

Pilotu: Remata ona

Faze 1 Siklu 1 : Remata ona

Faze 2 Siklu 1 : Remata ona

Faze 3 Siklu 1 : Remata Ona

Faze 1 Siklu 2 : Iha Etapa 10 (Sertifika, enkontru akontabilidade 50% primeirun)


Faze 2 Siklu 2 : Iha Etapa 10 (Sertifika, enkontru akontabilidade 50% primeiru)

Faze 3 Siklu 2 : Iha Etapa 3 (Transferensia Fundus Operasional)




Prioridade sira Iha Nasional

Faze I Siklu 2



Faze II Siklu 2



Programa Nasional Dezenvolvimento Suku (PNDS) Munisipiu Aileu Realiza Seminariu Kona-ba Partisipasaun no Hakbi'it Feto Hodi Hasaé Rendemento Ekonomia Familia Nian Liu Husi Programa Nasional Dezenvolvimento Suku

Semináriu kona-ba partisipasaun no hakbi'it feto hodi Hasaé redemento ekonomia familia nian liu husi programa dezenvolvimento suku ba implementasaun programa PNDS hala'o iha salaun Bombeiros, Munisipiu Aileu 17/05/2017.

Semináriu ne'e hala'o ho objetivu atu fahe istória diak no susesu husi comunidade liu-liu maluk feto sira nia partisipasaun iha dezenvolvimento comunidade iha PNDS, oinsá PNDS lori benefisiu liu husi partisipasaun ho hakbi'it feto iha ekonomia familia no mos hanesan meus atu enkoraja comunidade tomak liu-liu feto atu hola parte iha dezenvolvimento nasaun ne'e.

Dulce Guterres Junior, nu'udar Diretora Nasional Programa PNDS ne'ebe participa iha Seminariu ne'e hatete katak ida ne'e diak tebes ba maluk feto sira tamba bele fahe esperensia no informasaun husi istoria diak para bele motiva maluk feto sira nomos atu hasa'e sira nia kapasidade atu no enkorajen feto maluk sira atu kontinua.

nvolve an nafatin no partisipa barak liu tan iha prosesu tomak hodi bele hadi'a diak liu tan implementasaun programa PNDS iha nivel aldeia no suku.



Uma Profesores Ne'ebe Hari'i iha Suku Lela-Ufe Postu Nitibe, Regiaun Espesial Oecusse Fasilita Profesor Hodi Hala'o nia Atividade ho Diak

Deklarasaun kona-ba benefisiu uma profesores ne'ebe hari'i iha suku Lela-Ufe, Postu Nitibe, Regiaun Espesial Oecusse iha Teknikal Audit ba projetu PNDS ne'ebe implementa iha Regiaun Espesial Oecusse, Ambeno.

Iha Teknikal Audit ne'e, Batista Neno Kefi hanesan profesor ne'ebe ukupa uma profesores ne'ebe hari'i liu husi orsamentu PNDS katak uma profesores ne'ebe hari'i iha sira nia suku nudar exemplu uniku dezenvolvimentu ne'ebe governu halo atu bele alkansa dezenvolvimentu iha nivel base.

Batista Neno Kefi nudar benefisiáriu ne'ebe hela iha uma profesores ne'ebe espera nia sentimentu kontente tanba ho uma ne'ebe hari'i bele fasilita nia atividade hanesan profesor, nune'e Batista hato'o agradese ba governu tanba bele hari'i uma profesor iha sira nia suku.

Tuir Batista Neno Kefi katak uma profesore iha fatin ne'e antes ne'e iha kondisaun ne'ebe la diak tanba wainhira akontese udan bo'ot, udan be'e sempre turo halo bokon uma laran tanba tali tahan ne'ebe uja hodi taka uma nia kakuluk iha kondisaun ne'ebe a'at ona, maibe liu husi implementasaun programa PNDS iha suku Lela-Ufe hodi konstrui uma profesor ne'e, profesor ne'ebe hela iha uma ne'e sente seguru liu no hakmatek hodi halaa'o nia tividade hanesan profesores.

Atu hetan informasaun :
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl